

» fuerunt et occupantur, praemissaque facinora contra hanc san-
» clam sedem, clerum et ecclesiasticam libertatem commissa fue-
» runt, excommunicatos et anathematizatos fuisse et esse, prout ex
» praedictis processibus qui per singulos annos publice promul-
» gantur in die Coenae Domini ex more praedecessorum nostro-
» rum romanorum pontificum omnibus innotescit, et propterea
» aliud nobis nihil agendum restaret, nisi ut eosdem tamquam
» ethnicos et publicanos a grege fidelium ejiceremus et tamquam
» scabiosas oves a caulis nostris repelleremus, ne totam domum,
» massam et corpus ardere, putrescere et interire eorum conta-
» gione contingat : tamen cum illius licet non nostris meritis vices
» geramus, cujus misericordiae mensuram erga poenitentes et ad
» cor redeuntes, metiri non possumus, gaudetque super uno pec-
» catore poenitentiam agente : non duximus omittendum, quin
» denuo paterna charitate cum censurarum, ut res ipsa postulat,
» appositione illos per praesentes apostolica auctoritate hortemur,
» requiramus et admoneamus ad auctoritatis hujus sanctae sedis
» et libertatis ecclesiasticae recognitionem, nec non ad rerum et
» dominiorum ad nos et Romanam ecclesiam spectantium per eos
» occupatorum integram restitutionem. Praefatos itaque Leonar-
» dum Lauredanum ducem et rogatorum ac generalis consilii nun-
» cupatorum consiliarios ac commune Venetiarum, omnesque sin-
» gulos patritios et cives dicti communis Venetiarum, provisos,
» potestates, commissarios et officiales eorundem tam in dicta ci-
» vitate Venetiarum, quam in praefatis nostris civitatibus ab illis
» occupatis, quorum nomina, cognomina, qualitates et dignitates
» hic pro expressis habemus eorumque complices, adhaerentes et
» fautores cujuscumque status, gradus et praecminentiae existant
» et quacumque dignitate etiam regali, patriarchali, archiepiscopa-
» li, episcopali vel alias quavis ecclesiastica vel mundana dignitate
» praefulgeant, auctoritate nobis a Deo omnipotente concessa et de
» nostrae plenitudine potestatis per praesentes in Domino requiri-
» mus et monemus et cuilibet eorum tenore praesentium per haec